

《唯識三十頌直解》 補充講表

◎附表七：

○七、云「及餘觸等俱」者：謂遍行五心所，定得相應；…共有十八心所也。

◆與第七識相應的十八心所：

- 一、八個大隨煩惱（昏沉、掉舉、散亂、不信、懈怠、放逸、失念、不正知）
- 二、五徧行心所
- 三、別境中的慧心所：即我見、法見
- 四、四個根本煩惱（我癡、我見、我慢、我愛）

△慧心所※《靈峰宗論》卷三之三云：「末那之慧，即是我見，我見無自體，直以慧為體也」。

※《靈峰宗論》卷三之三云：「心所有假實，如別境中慧，則有自體。十煩惱中，五見無體，

惟以染慧為體。今第七相應之慧未轉，舉體為我見法見。已轉，舉體為平等性智。」

※《大乘起信論裂網疏》卷二云：「此慧心所，亦全攬真如為體，故能攝一切法，生一切法如外道凡夫諸人我見，凡外二乘諸法我見，即是【染慧】。如一切世間所有聰明善巧，即【無記慧】。如一切世間所有正見，即【有漏善慧】。如三乘所有生空智品，即【無漏慧】，亦名為【共般若】。如大乘所有法空智品，亦【無漏慧】，復名【不共般若】。如諸佛所有四智心品，即【不思議慧】，亦名【無上菩提】。又加行無分別智，即是【有漏聞思修慧】。根本無分別智，即是【實慧】。後得無分別智，即是【權慧】。又因中照理，名【道慧】，照事名【道種慧】。果上照理，名【一切智】；照事名【一切種智】；又或照真，名【一切智】，照俗名【道種智】，照中名【一切種智】。如此種種異名，種種開合，皆是一慧心所，皆是此中所謂【覺義】；或但取無漏，乃名覺耳。」

○九、云「隨所生所繫」者：

※《大乘起信論裂網疏》卷三云：「若非第七執藏之力，則第八何由幻現三界三類性境！若

非第七為第六不共親依，則第六何由遍現一切假實諸法！若非第七為前五染淨共依，則前五何由如其五境，對至即現，無有前後。」

○九、云「隨所生所繫」者

※《成唯識論》卷五云：「（問曰）：末那心所，何地繫耶？（答曰）：隨彼（藏識）所生，（即為）彼地所繫。謂生欲界，現行末那相應心所，即欲界繫；乃至有頂，應知亦然。任運恆緣自地藏識，執為內我。」

※《唯識心要》卷五云：「彼地：謂三界九地之隨一地也，或為彼地藏識所繫，是約所緣義釋。或為彼地煩惱所繫，是約相應義釋。」

○十、云「阿羅漢滅定，出世道無有」（一、即修四念處觀，二、諸禪三昧，與四念處共修）

※《楞嚴經文句》卷一云：「阿羅漢，含三義：一、應供義，即乞士果。二、殺賊義，即破

惡果。三、無生義，即怖魔果。當知比丘三義，通於因果。此三唯在果也。又羅漢有三種：（三、緣念世出世法，皆悉通達，能決眾疑，能破韋陀外道）

修性念處，斷見思惑，但得漏盡，不具諸通，名慧解脫人。

◆阿羅漢

修共念處，斷惑證真，具足三明六通及八解脫，名俱解脫人。

修緣念處，斷惑證真，具足通明解脫，兼發四無礙辯，名無疑解脫人。」

※《楞嚴文句》卷一云：「從有頂處，遊觀無漏，能令染末那相應之受想伏而不行，故名滅

受想定。三果聖人能入此定，亦名非學非無學定。以其伏第七識俱生我執，故名非學；以出定時，非非想天一分微細我愛猶存，故名非無學也。由此非非想愛未斷，所以不得漏盡成阿羅漢。而非非想愛，亦即是此生死妄想而已。」

阿羅漢：永伏我執相應之末那。（菩薩八地以上，亦永伏之）

滅定：即滅盡定，乃滅受想定之異名。使六識之心心所都滅而不起，故名為滅盡定。

其加行方便，特厭受之心所與想之心所二法而務滅之，故從加行而名為滅受想定。

出世道：無漏智。世間名有漏，出世間名無漏。道：指根本智及後得智，為二無漏道。

◆滅盡定與出世道：暫伏我執相應之末那。

※《唯識心要》卷四云：「問曰：既由第七，令前六識恆成雜染，理須直用第七修無我觀，始為灸病得穴，伐樹得根。何故先用第六識耶？答曰：第七我執，元由第六之所資熏，故仍以第六為病之穴，為樹之根。況第七識，從無始來至未轉位，一味有覆無記性攝，不與信等諸善心所相應；又無欲解念定之力，何能自修無我觀哉！是故吾人發大乘心，須於唯識相性，深生信解；然後修習菩提資糧，可名順解脫分。否則縱修諸行，但是人天有漏之因而已。」

※《大乘起信論裂網疏》卷三云：「止由第七不共無明，不如實知真法一故。內緣第八，起二我執；外為六依，令起妄念，故有世間一切依正等法。此一切法，皆是八種識心所變，即以八識心為自性。若離能變之八種識心，何有所變六塵境界可得！是則一切諸法，悉皆不離第八本識。」

◆不共無明

※《唯識心要》卷五云：「辨此不共（無明）一名，而有二義，方曲盡其致也。」

一、恆行不共者：於有漏位常起現行，不間斷故。此惟第七識有之，餘六識之所無，今正指此為不共無明也。

二、獨行不共者：不與餘九根本煩惱同起，獨迷諦境，惟第六識有之，故此第七識中非有。」

※《宗鏡錄》卷五十二云：「此第七識，於五受中，唯捨受相應。論云：此無始來，任運一

類緣內執我，恆無轉易，與變異受不相應故。」

※《唯識心要》卷五云：「一切凡夫，二乘有學，及八地前菩薩，於有漏心位；此第七識緣阿賴耶，恆審思量補特伽羅我。二乘菩薩，入滅定位，及生空智果，現在前位；此第七識緣異熟識，恆審思量法我。地上菩薩，於法空智果，現在前位；此第七識緣異熟識，恆審思量，二種無我。如來位中，此第七識緣無垢識，恆審思量二種無我也。」